



### 2015-imi akileraarutitigut ilanngaatisat il. il. imatut angissusilerneqarnissaannik Inatsisartut aalajanginissaannik siunnersuut:

1. Inummut ilanngaat.....kr. 48.000 (ukiumut)
2. Ilangaat aalajangersimasoq.....kr. 10.000 (ukiumut)
3. Aningaasarsiat B-t akileraaruteqaataasussaangitsut..kr. 5.000 (ukiumut)
4. Killilimmik akileraartussaataasut ilanngaataat.....kr. 1.000 (ukiumut)
5. Kommunitut ataatsimut akileraarut.....6%  
(Aningaasaqarnermut Nunamullu Namminermet Naalakkersuisoq)

Inuit Ataqatigiit isumaqarpugut piffissanngortoq nunatsinni akileraartarnerup aqqissuus-saanerata allanngortinneqarnissaa. Angorusutagut eqqarsaatigalugit aqqissuussineq ullu-mikkut plusoq tulluarunnaarnikuuvoq.

Nunatsinni akileraartarnerup aqqissuussaana allanngortikkumallugu ilisimasassanik isumassanillu katersinissaq pillugu Naalakkersuisut siuliisa Akileraartarnermut Atugaris-sarnermullu Isumalioqatigiissitaq pilersippaat. Ajoraluartumilli oqartariaqarpoq taakkua peqqissaarullugu suliaat atorneqanngitsoq. Suliap tamatuma naammassinissaanut, politikikkut oqallisiginninnerit aalajangererillu, tassatuaalerput amigaataasut.

Nalunngilarput akileraartarnerup pillugu politikikkut isumaqatigiinngissuteqartoqartoq. Taa-maamat suleqatigiinnissamut politikikkullu naapigiaanissamut piunassuseqarnissaq pisariaqarpoq. Inuit Ataqatigiit piareersimavugut.

Isumaqarpugut akileraartarnerup nutaamik aqqissuunneqarneratigut pissakinnerusut atugaat ullormikkornit isiginiarneqarnerusariaqartut. Inuit isertitakitsut inuillu kisimiillutik pilersuisuusut immikkut eqqarsaatiginerullugit akileraartarnerup aqqissuunneqassasoq isu-maqarpugut.

Tamannali ilutigalugu sulerusussuseqarneq orniginarsarlugu akileraartarnerup aqqissuun-neqarnissaa pisariaqarpoq. Tassunga tunngasoq aamma oqaloqataaffigerusupparput. Taamaattoq Inuit Ataqatigiit tungaannit sulinermet ilanngaatip eqqunneqarnissaa pillugu Demokraatit siunnersuutaat aqqutissaasoq qularilaarparput – kisianni tassunga tunngasoq aamma politikikkut assut oqaloqataaffigerusupparput.

Kiisalu aamma pingaaruteqarpoq nunatsinni akileraartarnermet aqqissuussinerup ajornaat-suunissaa paasissaasuunissaalu. Malittarisassat qanutut paasiumallugit nunani allani akile-raartarnermet immikkut ilisimasalinnik atortoqarneq nunami maani atortorinialissan-ngilarput.

Ilangaatissat pillugit Naalakkersuisut siunnersuutaat Inuit Ataqatigiit tungaannit akue-riqalugillu qilanaarpugut akileraartarnermet aqqissuussineq nutaaq pitsaaneruserlu pillugu oqaloqatiginninnissamut qaaqqusummik tigusaqarnissatsinnut.